


619
1700
5



御纂醫宗金鑑卷六十八

編輯外科心法要訣目錄

肩部

肩中疽

乾疽

過肩疽

髖疽

肩風毒

樂疽

臍部

臍癰

附藕包毒

魚肚發

石榴疽

肘癰

臂部

行集醫案卷之二十一
臂癰

附疽

腕癰

兌疽

穿骨疽

骨蠱疽

螻蛄串

手部

手發背

掌心毒

虎口疽

附合谷疔

病鰕

手丫發

調疽

蛇頭疔

天蛇毒

蛇眼疔

蛇背疔

蛇節疔

蛇腹疔

泥鰍痘

代指

蜣螂蛙

癰瘡

狐尿刺

鵝掌風

御纂醫宗金鑑卷六十八

編輯外科心法要訣

肩中疽圖



肩中疽生肩正中左右皆同

乾


疽

圖

乾疽生在肩前廉左右



過肩疽圖



過肩疽生在肩后廉左右皆同

肩部

肩中疽 乾疽 過肩疽

肩疽癰發正肩中疽硬黑陷癰腫紅乾疽肩前過肩後風濕積熱血瘀凝

註

此疽生於肩中廉屬三焦膽二經紅活高腫一名疵癰堅硬平塌爲肩中疽肩之前廉屬大腸經名乾疽一名疔疽肩之後廉屬小腸經名過肩疽瘡勢無論大小惟在發源之處命名總由濕熱風邪鬱成亦有負重瘀血凝結而成高腫紅活焮熱速潰者順若平塌堅硬無紅無熱潰遲者險甚則腫痛連及臂胛口禁寒戰大痛不食或兼綿潰便

瀉者逆治法初起有表證者俱宜荆防敗毒散汗之有裏證者內疏黃連湯下之汗下之後腫痛不退膿勢將成宜用托裏透膿湯膿熟開之至於引經之藥惟在臨證時因經加之潰後內外治法俱按癰疽潰瘍門

荆防敗毒散

見項部
腦疽

內疎黃連湯

見腫瘍門


托裏透膿湯

見頭部
侵腦疽

圖


疽

膠



膠疽在肩之背腋之后外層岐骨縫間左右側

月 風 毒 圖



肩風毒生在肩稍得縫中左右皆同

膠疽 肩風毒

膠疽肩後腋外生小腸肩貞風火凝肩風毒生臑端上大腸肩
髃風濕成

註

膠疽生於肩之後下腋之後外微上岐骨縫之間經屬小
腸堅直穴由風火凝結而成初起如粟堅硬腫痛肩臑拘
急不能舉揚初服制防敗毒散便燥實者服雙解貴金丸
雙解之肩風毒生於肩稍臑上骨尖處經屬大腸肩髃穴
由邪風深襲骨縫與濕稽留化熱而成初起宜腫色赤大
者如桃小者如杏痛連肩臑更兼拘急初服蠲痛無憂散
汗之卽消若腫痛日深不能盡消者膿勢將成也宜服托

裏透膿湯二證潰後內外治法俱按癰疽潰瘍門

蠲痛無憂散

番木鱉

香油燻浮

當歸

酒洗

甘草

各二兩

麻黃

三兩

穿山甲

陳土炒

川烏

黑豆酒煮去皮犬

草烏

薑汁煮

蒼朮

米泔水浸炒

半夏

各二兩製

威靈仙

一兩

各製為末共和勻每服五七分至一錢無灰酒調服再飲

酒以醉為度蓋卧出汗避風此方加鬧羊花四兩亦治頭

風痛

方歌蠲痛無憂肩風毒風襲骨縫與濕凝番鱉歸草麻黃甲川

萬島蒼牛威靈

荆防敗毒散

見頭部

雙解貴金丸

見肺癆門

托裏透膿湯

見頭部

見腦疽

樂

疽

圖



「癰疽生在肩膊腋旁之上肩縫開合空凹陷中左右皆同

樂疽

樂疽肩前腋上生骨縫開合凹陷中堅如鵝卵痛入骨包絡血熱氣鬱成

計

此證生於肩前腋之上骨縫開合空凹陷中初起如椒子漸腫堅硬大如鵝卵按之疼痛入骨屬包絡經血熱氣鬱而成其證屆期潰破出稠膿腫消者順月餘不潰既潰出清水腫硬不退者逆初宜服神授衛生湯若惡風太過倍加葱白汗之次服托裏透膿湯潰遲者十全大補湯潰後內外治法俱按癰疽潰瘍門

神授衛生湯

見腫瘍門

托裏透膿湯

見頭部
侵腦疽

十全大補湯

見潰瘍門

臍 癰 圖



臍癰在肩之下肘之上週而漫腫色赤裏外廉俱生左右脇同

癰 疽 包 毒 圖



癰疽毒生左右脇部不與裏外廉俱可以生

癰疽部 自肩至肘曰臈

臈癰 附藕包毒

臈癰肩肘週匝腫色赤焮疼粟癰殭藕包毒狀鴨鵝卵臈內三陰外三陽

註

此證由風瘟或風火凝結而成生於肩下肘上週匝漫腫色赤焮痛初起狀如粟米一攢亦有起一粒殭疙瘡者漸次焮腫紅熱舉臈痛甚紅腫之外無暈者順有二暈者險三四暈者逆腫發臈內或臈外結腫一枚如桃如鴨鵝卵者名藕包毒毒者癰之輕證也臈癰藕包內外治法俱按癰疽腫瘍潰瘍門此癰毒發苗之處皆在臈內者屬手三

陰經在臍外者屬手三陽經隨證用引經之藥必然獲效

魚肚發圖



魚肚發在臍部之后垂肉處發腫赤色

魚肚發

魚肚發如魚肚形青靈穴生心火凝暴腫紅活熅熱痛癰疽治法卽成功

註此證生於臍之後垂肉處屬心經青靈穴由火毒凝結而成暴腫色赤熅熱疼痛形如魚肚腫潰治法俱按癰疽腫瘍潰瘍門其引經之藥惟在臨證加之

石瘰癧圖



石瘰癧生在肘尖之寸餘堅硬色紫左右肘同

石榴疽

石榴疽起肘尖上粟炮根開堅腫疼破翻如榴寒熱甚三焦相火與濕凝

註此證生於肘尖上寸餘屬三焦經天井穴初起黃粟小炮

根脚便覺開大色紅焮腫堅硬疼痛腫如覆盂破翻如榴
寒熱如瘡由三焦相火與外濕相搏而成初起宜蟾酥丸
汗之外以艾灸九壯貼蟾酥餅用萬應膏蓋之焮腫處敷
冲和膏服菊花清燥湯煩躁熱甚者服護心散九日後作
稠膿痛減喜食表裏證俱退者順反此者逆破後用菊花
蕊煎湯洗之次以菊花燒灰存性加輕粉少許兌勻敷之

神效至透膿脫腐生肌時內外治法俱按癰疽潰瘍門

菊花清燥湯

甘菊花 二錢

當歸

生地

白芍

酒炒

川芎

知母

貝母

去心研

地骨皮

麥冬

各一錢
去心

柴胡

黃芩

升麻

犀角

鎊

甘草

各五分
生

竹葉二十片燈心二十寸水二鍾煎八分食後溫服

方歌菊花清燥石榴疽腫硬焮紅痛可醫四物柴芩知貝草升

麻地骨麥冬犀

蟾酥丸

蟾酥餅

即蟾酥丸料捏成餅見疔瘡門

冲和膏

護心散

併見腫瘍門

肘癰圖



肘癰生在肘之圍邊赤腫左右肘同

肘癰

肘癰發於肘圍遶高腫焮熱赤紅疼心肺稽留風邪火勢小為癰大為癰

註

此證生於肘之圍遶暴發高腫焮熱色紅疼痛由心肺風火之邪稽留凝滯而成形勢小者為癰毒形勢大者為癰初服荆防敗毒散汗之次服白芷升麻湯清托之外敷二味拔毒散將潰治法俱按癰疽腫瘍潰瘍門

白芷升麻湯

黃芩

二錢
半生半酒炒

連翹

二錢
去心

黃耆

三錢

白芷

八分

升麻

桔梗

各五分

紅花

酒洗

甘草

各三分

酒水各一鍾煎八分食遠熱服

方歌
白芷升麻醫腫痛解熱除煩托肘癰
芩翹桔梗紅花草黃

香酒水各一鍾

荆防敗毒散

見項部腦疽

二味拔毒散

見腫瘍門

臂癰圖



臂癰亦腫臂粗堅硬不拘臂之裏外
瘰癧皆可以生左右臂相同

臂部

自肘至腕曰臂

臂癰附疽

臂癰臂疽透臂生平紫硬疽紅腫癰榮衛風邪逆肉理甚則拳
縮微骨疼

此證生臂外側屬三陽經臂裏側屬三陰經高腫紅活焮
痛潰速者爲癰平陷紫暗堅硬木痛潰遲者爲疽俱由榮
衛不週感受風邪逆於肉理而成初起形如粟粒憎寒壯
熱宜服荆防敗毒散汗之焮痛煩熱宜服白芷升麻湯消
之膿勢將成宜服托裏透膿湯膿熱鍼之若疽證木痛無
紅無熱此屬氣血兩虛無論已潰未潰宜服十全大補湯

托之潰後內外治法俱按癰疽腫瘍潰瘍門若牽縮筋不能舒疼痛徹骨者係潰深傷脈也屬逆

荆防敗毒散

見項部腦疽

白芷升麻湯

見臍部肘癰

托裏透膿湯

見頭部侵腦疽

十全大補湯

見潰瘍門

腕

癰

圖

腕癰生在手腕背面高腫色紅左右相同



癰

腕癰三陽風火凝手腕背面結癰形高腫連潰難易治腐爛露骨逆難功

註此證生於手腕背面屬手三陽經由風火凝結而成高腫

紅活在十四日潰破膿出痛減者順而易治手腕乃皮肉澆薄之處若遷延日久不潰或漫腫平塌既潰腐爛露骨者逆難於收功初服荆防敗毒散汗之外用太乙紫金錠敷之膿成將潰卽按癰疽腫瘍潰瘍門治法

荆防敗毒散

見項部腦疽

太乙紫金錠

見胸部脾發疽

疔 瘡 圖



疔瘡在手腕裏面橫紋前稍動脈之間左右同

兌疽

兌疽生腕動脈間堅硬漫腫兌骨邊痛徹手膊爲險證本屬肺


經穴太淵

註

此證生于手腕裏面橫紋前稍動脈之間兌骨裏側屬肺

經大淵穴由憂思氣滯風火結成堅硬漫腫疼痛徹骨手
膊不能轉動此動脈處乃肺經門戶若發此疽或潰深大
洩肺氣最爲險候內外治法俱按癰疽腫瘍潰瘍門

穿骨疽圖



穿骨疽生在掌后橫紋上于左右相照

穿骨疽

穿骨疽生間使穴掌後三寸包絡經堅硬漫腫因蘊熱毒盛潰
深穿骨疼

註

此證生於間使穴處在掌後橫紋上三寸兩筋陷中屬包
絡經蘊熱凝結而成初起如粟漸增堅硬漫腫微紅舉熱
疼痛應期速潰者順若潰破遲緩膿毒潰穿骨縫從臂外
側出膿者險內外治法俱按癰疽腫瘍潰瘍門

圖 頊 螭 骨



常服頊牛在骨外可廉色紫左右

骨蠹疽

骨蠹疽生臂外廉經屬陽明憂怒纏瘡疼恨束多善順紫暈
申七惡難

註此證生於臂外側前廉大骨之後屬手陽明大腸由憂鬱
暴怒凝結而成初如粟豆旬日大如桃李腫硬疼痛瘡根
收束多見五善之證者順若紫暈開大腐爛斑點串通肌
肉抽搐拘急多見七惡之證者逆始終內外治法俱按癰
疽腫瘍潰瘍門

蠓 蛄 串 圖



蠓蛄串生在掌后橫紋上二寸左右程阿

蠅蛄串

蠅蛄串生臂內中患傷脾氣包絡凝筋骨如中流矢痛內潰中

孔似漏形

註

此證生於臂內中廉屬包絡經由思慮傷脾脾傷則運化遲故生濁液流於肌肉脾氣滯鬱不舒凝結而成此患初起筋骨如中流矢疼痛漸增漫腫堅硬不紅不熱連腫數塊臂膊不能轉動日久其腫塊漸次潰破孔孔時流白漿內潰串通諸孔外勢腫硬不消膿水淋漓如漏虛證悉漆如面黃食少削瘦甚則午後寒熱交作而成敗證也初起宜服逍遙散外敷太乙紫金錠次服人參養榮湯調和氣

血扶助脾胃十中可保二三潰按癰疽潰瘍治法若投藥

不效者屬逆

追遙散

見青部上搭手

太乙紫金錠

見肺部脾發

人參養榮湯

見潰瘍門

一手發背圖



一手發背圖

手
部

手發背

手發背初芒刺形三陽風火與濕凝堅硬潰傷筋骨險高腫速潰易收功

註

此證生於手背屬手三陽經由風火與濕凝滯而成初起形如芒刺漸覺疼痛高腫紅活焮熱潰速為癰若漫腫堅硬無紅無熱潰遲為疽其證無論形勢大小但潰深露筋骨者難痊初俱宜服羌活散汗之次服內疎黃連湯清之其餘內外治法俱按癰疽瘍潰瘍門

羌活散

羌活

當歸各一錢

獨活

烏藥

威靈仙各

錢五分

升麻

前胡

荆芥

桔梗各一錢

甘草

生五分

肉桂

三分

酒水各一鍾煎一鍾食遠服

方歌羌活散醫手發背除濕發汗犯風追升麻前獨荆歸草烏

藥威靈桔桂隨

內疎黃連湯

見腫瘍門

掌 心 毒 圖



手心毒兩手穴皆同

掌心毒

掌心毒生赤腫疼經屬包絡積熱成偏於掌邊名穿掌初宜發汗次宜清

註

此證生於手掌心赤腫疼痛屬包絡經勞宮穴積熱而成若偏於掌邊名穿掌毒一名穿埂毒又名鵝癰初起治同手發背其餘治法俱按癰疽腫瘍潰瘍門

虎口疽圖



虎口疽兩手皆同

虎口疽 附合谷疔

虎口疽生合谷穴經屬大腸熱濕凝根深爲疔大爲疽堅硬木痛汗鍼明

註

此證生於合谷穴在手大指次指岐骨間屬大腸經濕熱凝結而成一名了又毒一名孽蠚毒初起如豆漫大色青木痛堅硬名虎口疽若初起黃粟小胞癢熱焮痛根深有紅線上攻腋內卽名合谷疔無論疔疽初俱宜羌活散汗之內疎黃連湯清之疽證膿熟鍼之餘治法按癰疽腫瘍潰瘍門疔證於初起將疔根挑去有紅絲者當紅絲盡處用鍼砭斷其餘治法俱按疔門

和集醫書全錄卷之十八

羌活散 見手發背

內疎黃連湯 見腫瘍門

病

鰓

圖



丁病鰓生者背脊應高梗形勢如鰓兩手皆屈

病鰕

病鰕每在手背生形勢如鰕赤腫疼內宜消毒外湯洗手三陽經熱毒成

註

此證生於手背屬手三陽經積熱毒盛而成形勢如鰕高
硬赤腫疼痛初宜服黃連消毒飲外用食鹽酒糟香油同
炒令香淬以滾湯淋洗患處卽消如高硬不消再用蟾酥
餅貼之外用巴膏蓋之以腐盡硬子次敷生肌散仍用膏
蓋收斂

黃連消毒飲

見頭部百會痛

蟾酥餅

卽蟾酥丸作餅見疔瘡門

已膏

生肌散 俱見潰瘍門

手 丫 發 圖



手丫發在手丫骨縫間除大指合谷穴凡患生手丫者皆同此名

手了發

手了發生手指岐濕火凝結本於脾初粟漸豆焮熱痛內外治

法按疔醫

註

此證生於手了岐骨縫間除大指合谷穴其餘指了生患
即名手了發本於脾經濕火凝結而成初起如粟色紅漸
大如豆焮熱疼痛潰後疼痛不止者俟膿塞脫出其痛方
止內外治法俱按疔證門

調 疽 圖



調疽在手大指形如拳其色青紫兩手指屈

調疽

調疽大指肺熱生如粟如李青紫疼六日刺出膿血古黑腐延蔓斷指凶

註

此證生於手大指由肺經積熱而成初如粟豆漸腫如李青紫麻木癢痛徹心六日刺破出稠膿鮮血者吉出黑血者險初服麥靈丹汗之次服仙方活命飲外敷白錠子其餘內外治法俱同癰疽腫瘍潰瘍門若黑腐延蔓不痛者名斷指屬逆治法與足部脫疽同

麥靈丹

仙方活命飲

白錠子

俱見腫瘍門

蛇頭疔圖



蛇頭疔生於頂際有頭十指風

天 蛇 毒 圖

天蛇毒在手指頂門腫無頭十指同



蛇頭疔 天蛇毒

蛇頭疔炮紫硬疼天蛇毒疼悶腫紅二證俱兼脾經火看生何
指辨專經

註

此二證俱生於手指頂尖夫手指雖各有專經然俱兼脾
經火毒而成蛇頭疔自筋骨發出根深毒重初起小炮色
紫疼痛堅硬如釘初宜服蟾酥丸汗之外敷雄黃散天蛇
毒自肌肉發出其毒稍輕初起悶腫無頭色紅痛如火燎
初宜服蟾酥丸汗之外敷雄黃牡蠣散二證膿勢將成俱
服仙方活命飲膿熟開之外貼琥珀膏煨膿生肌治之虛
不能斂者補之但手指係皮肉澆薄之處不宜灸法亦不

宜開早若誤炙開早以致皮裂努肉翻出疼痛倍增者不能速愈慎之手指經絡屈伸俱見首卷

雄黃散

明雄黃 二錢

輕粉 五分

蟾酥 二分

冰片 一分

共研細末新汲水調濃重湯炖溫敷於患指用薄紙蓋之日換三四次

方歌雄黃散治蛇頭疔紫痛根堅火毒攻冰片蟾酥輕粉末汲

水調塗用紙封

雄黃牡蠣散

名錄卷之六

牡蠣

四錢

明雄黃

二錢

另研細共和一處再研勻蜜水調濃重湯炖溫塗於患指

能止疼痛日用五六次

方歌

雄黃牡蠣天蛇毒指頭焮紅悶腫疼二味細研加蜜水調

敷止痛效又靈

蟾酥丸

見疥瘡門

仙方活命飲

見腫瘍門

琥珀膏

見頭部
髮際瘡

蛇眼疔圖



蛇眼疔生指甲旁尖角間十指皆同

蛇背疔圖



蛇背疔在手拍甲後兩手皆同

蛇 節 疔 圖

蛇節疔在手指骨節兩手皆同



蛇腹疔圖



蛇腹疔者寸指其面形如魚肚

泥 缺 疽 圖



泥缺疽在掌指指通腫十指圖

蛇眼疔 蛇背疔 蛙節疔 蛇腹疔 泥鰍疽

蛇眼疔在甲旁生甲後名爲蛇背疔蛙節疔生中節骨蛇腹指內魚肚形泥鰍疽生偏指腫牽引肘臂熱焮疼看生何指分經絡總由臟腑火毒成

此證有五如蛇眼疔生於指甲兩旁形如豆粒色紫半含半露便似鐵釘蛇背疔生於指甲根後形如半棗色赤胖腫蛙節疔又名蛇節疔生於中節邊指俱腫其色或黃或紫蛇腹疔又名魚肚疔生於指中節前面腫如魚肚色赤疼痛泥鰍疽一指通腫色紫形如泥鰍焮熱痛連肘臂初起俱宜服蟾酥光汗之外敷雄黃散次服仙方活命飲膿

熟開之貼琥珀膏煨膿生肌虛不能斂者補之但此五
總不外乎火毒凝結而成至於屬何經臟臨證看生何指
以辨之手指經絡各詳註首卷

蟾酥丸

見疔瘡門

雄黃散

見蛇頭疔

仙方活命飲

見腫瘍門

琥珀膏

見頭部
髮際瘡

代指圖



代指生指用身之內三四日後甲面上透一點黃色係膿已成

代指

代指每生指甲身先腫焮熱痛應心輕潰微膿重脫甲經脈血熱是其因

註

此證生於手指甲身內由經脈血熱凝結而成初起先腫焮熱疼痛應心宜用甘草朴消各五錢熬水浸洗卽瘥痛仍不止三四日後指甲背面上微透一點黃白色此係內膿已成但無門潰出急用線鍼在指甲身就膿近處撚一小孔膿方得出隨手拭盡餘膿用黃連膏貼之易愈或失治或過敷涼藥以致肌肉寒凝膿毒浸淫好肉爪甲潰空必然脫落用琥珀膏貼之一兩月卽愈

名
卷二十一

黃連
見鼻部鼻岩

琥珀
見頭部髮際岩

蛻 螂 蛙 圖

蛻螂駐在手指骨節相入硬腫



蠅螂蛙

蠅螂蛙由痰氣凝指節堅腫蟬肚形初起不疼久方痛潰久膿
清癆病成

註

此證多生於體虛人手指骨節由濕痰寒氣凝滯而成初
起不紅不熱不痛漸次腫堅形如蟬肚屈伸艱難日久方
知木痛初腫時宜先服六君子湯益氣除濕化痰外以離
宮錠薑汁磨敷或兼陽燄錠於堅痛處灸之自消若失於
調治腫處漸漸腐爛膿如清水淋瀝不已腫仍不消然在
骨節之處潰久大泄氣血每成瘡癆之證宜豫服人參養
榮湯補之外貼蟾酥餅子陀僧膏蓋之遇壯年人如法治

之可愈若年老及虛羸之人不能收功

六君子湯

即香砂六君子湯減去
藿香砂仁見腫瘍門

離宮錠

見腫瘍門

陽燧錠

見首卷烙法

人參養榮湯

陀僧膏

俱見潰瘍門

蟾酥餅

見疔瘡門

癰疽圖



癰疽生兩手及指掌中形如菜葉兩手相對而生

癰瘡

癰瘡每發指掌中兩手對生茱萸形風濕癢痛津汁水時好時發久生蟲

註

此證生於指掌之中形如茱萸兩手相對而生亦有成攢者起黃白膿皰癢痛無時破津黃汁水時好時發極其疲頑由風濕客於膚腠而成以潤肌膏擦之若日久不愈其癢倍增內必生蟲治以殺蟲為主用藜蘆膏擦之甚效忌動風雞鵝魚腥等物

藜蘆膏

藜蘆

苦參 各一兩

猪脂油八兩將二味燥枯濾去渣入松香一兩溶化開離
火再加枯礬末雄黃末各一兩攪勻候溫塗之以痊爲度
方歌
藜蘆膏用苦參良脂油燥濾入松香再加枯礬雄黃攪殺
蟲止癢抹癩瘡

潤肌膚

見頭部
白屑風

狐尿刺圖



狐尿刺在兩手及臂足腫次起紅紫癰毒腐爛無忌

狐尿刺

狐尿刺生手足間腫焮痛紅紫斑螳螂精尿流積毒誤觸肌膚痛不眠

註

此證大成書名狐狸刺外臺總錄二書名狐尿刺由螳螂盛暑交媾精汁染於諸物乾久有毒人手足誤觸之則成此患初起紅紫斑點肌膚乾燥悶腫焮痛不眠十日後腐開瘡口曰寬內宜服黃連解毒湯外以蒲公英連根濃煎溫洗若得鮮蒲公英搗汁塗患處更佳蓋螳螂又名野狐鼻涕此證取名蓋本於此將潰治法按癰疽腫瘍門

黃連解毒湯 見耳部黑疔

鵠 掌 風 圖

鵠掌風生兩手掌



鵝掌風

鵝掌風生掌心間皮膚燥裂紫白斑楊梅餘毒血燥熱兼受風毒凝滯源

註

此證生於掌心由生楊梅餘毒未盡又兼血燥復受風毒凝滯而成初起紫白斑點叠起白皮堅硬且厚乾枯燥裂延及偏手外用二礬散洗之三油膏擦之內用祛風地黃丸料加土茯苓白鮮皮當歸爲佐作丸服之甚效若年久成癰難愈又有不因楊梅後無故掌心燥癢起皮甚則枯裂微痛者名掌心風由脾胃有熱血燥生風血不能榮養皮膚而成宜服祛風地黃丸外用潤肌膏久久擦之卽愈

祛風地黃丸

生地

熟地 各四兩

白茯苓

川牛膝

各三兩
酒洗

知母

黃蘗

枸杞子

各二兩

菟絲子

酒製

獨活

各一兩

共研末煉蜜和丸如梧桐子大每服三錢黃酒送下夏月

淡鹽湯送下

方祛風地黃除血熱鵝掌風生服卽瘡知藥茯苓牛膝菟獨

杞同研煉蜜和

二藥散

白礬

皂礬

各四兩

兒茶

五錢

側柏葉 八兩

水十盃煎數滾聽用先以桐油搽患處再用紙撚桐油浸透火點向患處薰片時次用前湯乘熱貯淨木桶內手架桶上以巾將手連桶口蓋嚴湯氣薰手勿令泄氣待微熱將湯傾入盆內蘸洗良久一次即愈七日切不可見水

方歌二葉掌中紫白斑點與兒茶柏葉煎先以桐油搽患處油

撚燃薰後洗痊

三油膏

牛油

柏油

香油

銀朱 各一兩

官粉

麝香 各二錢

將三袖共合火化入黃蠟一兩溶化盡離火再入朱麝官
粉等末攪勻成膏搽患處火烘之以油乾滋潤爲度

方歌

三油膏潤鵝掌風初斑漸裂燥癢攻牛柏香油朱粉麝

熬擦患火上烘

潤肌膏

見頭部
白屑風

御纂醫宗金鑑卷六十九

編輯外科心法要訣目錄

下部

懸癰

穿襠發

跨馬癰

便毒

疳瘡

陰虱瘡

腎囊癰

腎囊風

婦人陰瘡

臀部

額口疽

坐馬癰

臀癰

上馬癰下馬癰

涌泉疽

臟毒

痔瘡

坐板瘡

御纂醫宗金鑑卷六十九

編輯外科心法要訣

下部

懸癰

懸癰毒生會陰穴初起蓮子漸如桃三陰虧損濕熱鬱潰久成漏爲瘡勞

註

此證一名騎馬癰生於纂間係前陰之後後陰之前屏
穴卽會陰穴係任脈經首穴也初生如蓮子微癢多痛日
久焮腫形如桃李由三陰虧損兼憂思氣結濕熱壅滯而
成其色紅作膿欲潰若破後潰深久則成漏以致瀝盡氣

血變爲瘡勞初起氣壯實尚未成膿小水澀滯者宜用九
龍丹瀉去病根稍虛者仙方活命飲利去濕熱如法治之
遇十證可消三四如十餘日後腫勢已成不能內消宜用
托裏消毒散或托裏透膿湯自破如不破腫高光亮脹痛
者用臥鍼開之穢膿一出其腫全消者順朝服六味地黃
丸午服十全大補湯溫補滋陰又有過食膏粱厚味氣實
者初服龍膽瀉肝湯潰服滋陰八物湯又有房勞過度虛
弱者初服八珍湯潰服十全大補湯脾虛不食六君子湯
日久成漏者國老膏化湯送服琥珀蠟礬丸外治法按癰
疽潰瘍門當戒房勞怒氣魚腥發物慎重調理

九龍丹

木香

乳香

沒藥

兒茶

血竭

巴豆

不去油

等分爲末生蜜調成一塊磁盒收貯臨川時旋丸豌豆大
每服九丸空心熱酒一杯送下行四五次方食稀粥腫甚
者間日再用一服自消

方歌九龍丹醫懸癰毒初起氣實膿未成木香乳沒兒茶竭巴

豆蜜丸酒服靈

滋陰八物湯

當歸

生地黃

白芍藥

酒炒

川芎

丹皮

花粉 各一錢

澤瀉 五分

甘草節 一錢

水二鍾燈心五十寸煎八分食前服

大便秘者加蜜炒大黃一錢

方歌滋陰八物過膏梁懸癰已潰服此方四物丹皮花粉瀉草

節便秘加大黃

仙方活命飲

琥珀蠟礬丸

托裏消毒散 俱見腫瘍門

托裏透膿湯 見頭部侵腦疳

六味地黃丸

見面部
雀斑

十全大補湯

八珍湯

六君子湯

即香砂六君子湯減去藿香砂仁
俱見潰瘍門

龍膽瀉肝湯

見腰部纏腰火丹

國老膏

見背部
疥毒發

穿襠發

穿襠毒發會陰前憂思勞傷濕鬱源焮痛紅腫塌陷逆腐深漏

弱收斂難

註此證生於會陰穴之前腎囊之後由憂思勞傷濕鬱凝結

而成初起如粟漸生紅亮焮痛潰出稠膿者惡若起如櫻
子黑焦陷於皮肉之內漫腫紫暗並無焮熱痛連腰九及
腰背肛門者逆此係皮囊空處凡生毒患宜速潰根淺但
遇根深遲潰腐傷尿管漏溺不能收斂者至險內治按懸
癰外治按癰疽腫瘍潰瘍門

跨馬癰

跨馬癰生腎囊旁重墜肝腎火濕傷紅腫焮痛宜速潰初清并
裏勿寒涼

註

此證一名騙馬墜生於腎囊之旁大腿根裏側股縫夾空
中由肝腎濕火結滯而成初如豆粒漸漸腫如鷄卵

壅重色紅焮疳起高腫速潰稠膿者順若漫腫平塌微熱微紅潰出稀膿者險多成串皮漏證此處乃至陰之下醫治不可過用寒涼初宜服仙方活命飲消之次服托裏透膿湯既潰之後內外治法俱按癰疽潰瘍門

仙方活命飲

見腫瘍門

托裏透膿湯

見頭部侵腦直

便毒

便毒生於腿縫間忍精瘀血怒傷肝堅硬木痛寒熱作初汗次下灸之痊

註此證又名血疔又名便癰無論男女皆可以生發於少腹

之下腿根之上摺紋縫中經屬肝腎由強力房勞忍精不洩或慾念不遂以致精搏血留聚於中途壅遏而成或爲暴怒傷肝氣滯血凝而發初如杏核漸如鷺卵堅硬木痛微熱不紅令人寒熱往來宜荆防敗毒散汗之若煩躁作渴氣鬱者宜山甲內消散以消解之若過於堅硬大痛者宜紅花散瘀湯舒通之前藥用之不應者宜九龍丹攻之若無痛無熱則不可攻下宜陽燧錠日灸五七壯以或輟或消或潰爲止膿勢將成不可強消宜黃耆內托散托之甚虛者托裏透膿湯旣潰宜八珍湯十全大補湯補中益氣湯因證用之外用五色靈藥撒之化腐煨膿兼琥珀膏

萬應膏貼之生肌斂口斯證潰後即名魚口因生於口紋縫中其瘡口潰大身立則口必合身屈則口必張形如魚口開合之狀故有魚口之名但此毒係忍精不洩怒氣傷肝而成至於生楊梅而兼有便毒者另詳註於楊梅門

紅花散瘀湯

紅花

當歸尾

皂刺 各一錢

生軍

三錢

連翹

去心

蘇木

穿山甲

炙研

石決明

薑黃

炒

乳香

貝母

各一錢
去心研

黑牽牛

二錢

酒水各一鍾煎八分空心服行五六次方食稀粥補之

方歌紅花散瘀消堅硬便毒初起腫痛漆歸刺軍翹蘇木甲石

決壘蠶乳貝牽

黃耆內托散

黃耆 二錢

白朮 一錢
土炒

當歸

川芎 各二錢

金銀花

皂刺

天花粉 各一錢

澤瀉

甘草 各五分
炙

水二鍾煎八分食前服

方歌黃耆內托醫便毒腫盛不消托潰良白朮歸芎銀皂刺天

花瀉草力同助

荆防敗毒散 見頭部
腦疽

山甲內消散見腹部中脘疽

九龍丹見前懸離

陽燧錠見首卷烙法

托裏透膿湯見頭部侵腦疽

八珍湯

十全大補湯

補中益氣湯

五色靈藥

萬應膏俱見潰瘍門

琥珀膏見頭部髮際瘡

疔瘡

疔瘡統名有三原慾火未遂搜淋難房術塗藥疔癢紫光亮赤腫梅毒惡

此證統名疔瘡又名妬精瘡生於陰前經云前陰者宗筋

之所主督經脈絡循陰器合纂間又云腎開竅於二陰是

瘡生於此屬肝腎三經也其名異而形殊生於馬口之

下者名下疔生莖之上者名蛙疔莖上生瘡外皮腫脹包

裹者名袖口疔疔久而偏潰者名蠟燭疔疔引舉丸陰囊

腫墜者名雞膽疔痛而多癢潰而不深形如剝皮爛杏者

名瘡疔生馬口旁有孔如棕眼眼內作癢捻之有微膿出

者名鐵根疳生楊梅時或誤用薰燥等藥以致腐爛如白
者名楊梅疳又有生楊梅時服輕粉水銀打成劫藥以致
便溺尿管內刺痛者名楊梅內疳諸疳原由有三一由男
子慾念萌動淫火猖狂未經發泄以致收精濁血留滯中
塗結而為腫初起必先淋漓洩溺澀痛次流黃濁敗精陽
物漸損甚則腫痛腐爛治當疎利肝腎邪火以八正散清
肝導滯湯主之一由房術熱藥塗抹玉莖洗擦陰器傲倖
不衰久頓不洩以致火鬱結腫初起陽物癢痛堅硬漸生
疙瘡色紫腐爛血水淋漓不時興舉治當洩火解毒以黃
連解毒湯盧薺丸主之一由娼家婦人陰器瘀精濁氣未

浮輒與交媾以致淫精傳染梅毒初起皮腫紅亮甚如水
晶破流腥水麻癢時發腫痛日增治當解毒以龍膽瀉肝
湯主之次服二子消毒散外通用大豆甘草湯洗之紅腫
熱痛以鯉魚膽汁敷之損破腐爛以鳳衣散旱螺散珍珠
散銀粉散回春脫疳散因證敷之惟楊梅瘡與楊梅肉疳
二證多服五寶散甚效

八正散

福菖

生軍 各一錢

滑石 二錢

瞿麥

甘草 生

車前子

梔子

木通 各一錢

水二鍾煎八分食前服

方歌八正散清積火盛小水作淋結腫疼扁蓄軍滑瞿麥草車

前梔子木通靈

清肝導滯湯

扁蓄 四錢

滑石 二錢

甘草 一錢
生

大黃 二錢
便秘者用

瞿麥 三錢

水二鍾燈心五十寸煎八分空心服

方歌清肝導滯清肝熱玉莖腫疼小水澀扁蓄滑石草大黃燈

心瞿麥服通微

二子消毒散

土茯苓 八兩

豬脂 二兩 切碎

杏仁 沙法去皮尖

殭蠶 炒

蟬脫 名七個

牛膝

荆芥

防風 各一錢

皂角子 七個

金銀花 三錢

肥皂子 七個

豬牙皂角 一條

水八盤煎三盤作三次服如結毒服三七日自愈

補口疳加黃蘗一錢肥皂子倍之

楊梅疳加薏苡仁皂刺各一錢側柏葉綠豆糯米各三錢

楊梅內疳加海金沙五加皮白芷各一錢五分

方歌 二子消毒梅毒疳土苓豬脂杏殭蠶蟬膝荆防皂角子銀

花肥皂豬牙煎

大豆甘草湯

黑豆 一合

甘草 生 一兩

赤皮葱 三莖

槐條 六十寸

水煎濃澄湯候溫日洗二次

方歌 大豆甘草湯神方諸般疳證洗之良止癢消疼能解毒赤

葱槐條共熬湯

鳳衣散

鳳凰衣 一錢 雞抱卵殼 輕粉 四分

水片 二分

黃丹 一錢

共研細末鴨蛋清調敷或乾撒亦可

方歌 鳳衣散能敷潰瘡輕粉冰片共黃丹化腐生肌兼止癢

蛋清調痛即安

旱螺散

白田螺殼三錢

輕粉一錢

冰片

麝香各三分

共研細末香油調敷

方歌 旱螺散用易生肌潰瘡癢痛俱可醫蝦螺殼與輕冰麝香

油調敷去腐宜

珍珠散

珍珠

黃連末

黃蘗末

定粉

輕粉

象牙末

五倍子

炒

兒茶

沒藥

乳香

各等分

共研極細末先以米泔水洗患處再撒此藥甚效

方歌珍珠散治下疳瘡清熱除瘀脫腐強連榮兒茶輕定粉五

倍象牙沒乳香

銀粉散

上好錫六錢火化開入硃砂末二錢攪炒砂枯去砂留錫再化開投水銀一兩和勻傾出聽用定粉一兩研極細鋪綿紙上捲成一條一頭點火煨至紙盡為度吹去紙灰用粉同前

錫汞再加輕粉一兩共合一處研成極細末先以甘草湯淋洗患處拭乾隨撒此藥能生肌止痛收斂甚效

方銀粉散醫疳腐蝕莖損梅毒爛背施錫炒硃砂水銀入定

輕二粉對研之

回春脫疳散

黑鉛五錢火化開投水銀二錢五分研不見星爲度再加寒

水石三錢五分輕粉二錢五分礪砂一錢共研細末先以葱

艾花椒煎湯洗患處再撒此藥

方回春散先化黑鉛次下水銀要細研寒水礪砂輕粉入下

疳蝕爛撒之痊

五寶散

石鍾乳

四錢如乳頭下垂敲破易碎似蜻蜓翅者方真

硃砂

一錢

珍珠

二錢豆腐內煮半炷香時取出

冰片

一錢

琥珀

二錢

各研極細和一處再研數百轉磁罐密收川藥二錢加飛羅麵八錢再研和勻再用土茯苓一觔水八盞煎至五盞濾去渣作五次每次加五寶散一分和勻量病上下服日用十次如鼻子腐爛每日土茯苓內加辛夷三錢煎服引藥上行忌食海腥牛羊鷄肉火酒煎炒房事等件

方歌

五寶散硃鍾乳珍珠冰珀飛羅麵細勻楊梅疳瘡結毒證土

茶湯調服最神

楊梅瘡

卷二十一

黃連解毒湯

見耳部
黑丹

蘆薈丸

見齒部
牙齦

龍膽瀉肝湯

見腰部
腰火丹

陰虱瘡

陰虱瘡蟲毛際內肝腎濁熱不潔生瘙癢抓紅含紫點若還梅

毒蠟皮形

此瘡一名八脚蟲生於前陰毛際內由肝腎氣濁生熱兼

淫慾失洗不潔搏滯而成瘙癢難忍抓破色紅中含紫點

內宜服蘆薈地黃丸外用鍼挑破去虱隨擦銀杏無礙此

易愈若毛際內如豆如餅發癢結如蠟皮者楊梅毒也即

按楊梅毒治之

銀杏無憂散

水銀

鉛製

輕粉

杏仁

去皮尖搗膏

蘆薈

雄黃

狼毒

各一錢

麝香 一分

除水銀杏仁膏共研篩細再入銀杏同研勻先以石菖蒲煎湯洗之用鍼挑破去虱隨用津唾調擦使藥氣入內愈不復發切忌牛犬豕肉

方歌

銀杏無憂散止癢熱帶毛際陰虱瘡鉛製水銀輕粉杏蘆

薈雄黃狼麝香

蘆薈地黃丸

即六味地黃丸加蘆薈五錢
蜜炒黃蘗一兩見面部雀斑

腎囊癰

腎囊紅腫發爲癰寒熱口乾焮痛疼肝腎濕熱流注此失治潰
深露辜凶

託

此證生於腎囊紅腫焮熱疼痛身發寒熱口乾飲冷由肝
腎濕熱下注腎囊而成初起宜服荊防敗毒散汗之外用
葱鹽熬湯熨之寒熱已退宜服清肝滲濕湯消解之不應
消膿勢將成也急服滋陰內托散若氣怯食少者宜服托
裏透膿湯外用二味拔毒散圍敷腫根膿脹痛者用臥鍼
鍼之出稠膿者順出膿水者險宜服托裏排膿湯外用錠

珀膏貼之俟腫消膿少痛減時用生肌散生肌玉紅膏以
生肌歛口此癰本於肝腎發出以滋陰培補氣血爲要生
肌歛口時朝服六味地黃湯暮服人參養榮湯滋補之甚
效此證若失治潰深露舉丸者險然不可棄而不治宜杉
木灰托之蘇子葉包之患者仰卧靜以養之或可取效

清肝滲濕湯

黃芩

梔子

生研

當歸

生地

白芍藥

酒炒

川芎

柴胡

花粉

龍膽草

各一錢
酒炒

甘草

生

澤瀉

木通

各五分

御製醫方全錄卷之十一

水二鍾燈心五十寸煎八分食前服

歌方 清肝滲濕消囊癰小水淋瀝腫痛攻苓施四物柴花粉膽

草燈甘湯木通

滋陰內托散

當歸

熟地

白芍藥

酒炒

川芎 各一錢五分

穿山甲

炙研

澤瀉

皂刺 各五分

黃耆 一錢五分

水二鍾煎八分食前服

歌方 滋陰內托將潰刺囊癰欲膿托最宜四物穿山瀉皂刺食

前煎服入黃耆

荆防敗毒散

見頭部
腦疽

托裏透膿湯

見頭部
侵腦疽

二味拔毒散

見腫瘍門

托裏排膿湯

見項部
魚尾毒

琥珀膏

見頭部
髮際瘡

生肌散

生肌玉紅膏

人參養榮湯

俱見潰瘍門

六味地黃湯

即六味地黃丸改作
煎劑見面部雀斑

腎囊風

腎囊風發屬肝經證由風濕外襲成麻癢搔破流脂水甚起疙
瘡火燎疼

註

此證一名繡毬風係腎囊作癢由肝經濕熱風邪外襲皮
裏而成初起乾燥癢極喜浴熱湯甚起疙瘡形如赤粟麻
癢搔破浸淫脂水皮熱痛如火燎者此屬裏熱俱宜龍膽
瀉肝湯服之外用蛇床子湯薰洗之洗後擦狼毒膏甚效

蛇床子湯

威靈仙

蛇床子

當歸尾

各五錢

縮砂殼

三錢

土大黃

苦參

各五錢

老葱頭

七個

水五盞煎數滾傾入盆內先煎候溫浸洗

方歌蛇床子湯洗囊風止癢消風除濕靈威靈歸尾縮砂殼土

大黃與苦參葱

狼毒膏

狼毒

川椒

硫黃

檳榔

文蛤

蛇床子

大風子

枯白礬

各三錢

共研細末用香油一茶鍾煎滾下公豬膽汁一枚和勻調

前藥擦患處

方歌狼毒膏擦繡球風濕癢浸淫火燎疼椒硫檳蛤床風子枯

攀豬膽油調成

龍膽瀉肝湯

見腰部經
腰火丹

婦人陰瘡

婦人陰瘡係總名各有形證各屬經陰挺如蛇脾虛弱陰腫勞傷血分成陰蝕胃虛積鬱致陰脫憂思太過生陰癩氣血雙虛損隨證施治諸證平

註

此證俱生於陰器如陰中挺出一條如蛇形者名為陰挺由脾經虛弱或產後遇怒受風所致初宜服逍遙散加荆芥防風次宜朝服補中益氣湯倍用升麻晚服龍膽瀉肝湯外以蛇床子煎湯薰洗之如陰戶忽然腫而作痛者名

爲陰腫又名蚌疽由勞傷血分所致宜四物湯加丹皮澤
瀉花粉柴胡服之或服秦艽湯外用艾葉一兩防風六錢
大戟五錢煎湯薰洗如陰器外生疙瘩內生小蟲作癢者
名爲陰蝕又名蠱瘡由胃虛積鬱所致宜四物湯加石菖
蒲龍膽草黃連木通服之若寒熱與虛勞相似者蟲入臟
腑也宜逍遙散吞送蘆薈丸早晚各一服外以漏瘻湯薰
洗次以銀杏散塞入陰中殺蟲止癢如陰戶開而不閉癢
痛出水者名爲陰脫由憂思太過所致宜逍遙散或歸脾
湯俱加柴胡梔子白芍丹皮服之由產後得者補中益氣
湯加五味子醋炒白芍服之外俱用荆芥枳殼訶子文蛤

大劑煎湯薰洗如子宮脫出名爲陰癰俗名癰葫蘆由氣血俱虛所致宜補中益氣湯去柴胡倍用升麻加益母草服之外以葶藶子肉搗爛貼頂心再用枳殼半觔煎湯薰洗由思慾不遂肝氣鬱結而成者必先於小便似有堵塞之意因而努力久之隨努而下令穩婆扶正葫蘆令患婦仰臥以枕墊腰吹噓藥收之收入卽緊閉陰器隨以布帛將腿縛定內仍服補中益氣湯自愈

秦艽湯

秦艽

六錢

石菖蒲

當歸

各三錢

葱白五個水二鍾煎一鍾食前服

方奏芩湯治蚌疽生腫痛能除效可徵石菖蒲與當歸片食

前葱白水煎成

湯養湯

苦參

狼毒

蛇床子

當歸尾

威靈仙 各五錢

鶴虱草 一兩

用河水十盃煎數滾濾去渣貯盆內乘熱先薰待溫投公

豬膽汁二三枚和勻洗之甚效

方歌湯養殺蟲療陰蝕熬湯薰洗不宜遲苦參狼毒床歸尾

膽威靈鶴虱施

銀杏散

名醫集方卷之二十九

輕粉

雄黃

水銀

鉛製

杏仁

各一錢
生用

右各研共和一處再勻每用五分棗肉一枚和丸用絲綿包裹線紮緊將藥入陰內留線頭在外如小解時將藥取出解完復入內一日一換四五個自愈

方歌銀杏散醫熱下侵輕粉雄黃製水銀杏仁棗肉綿包裹陰

癢生瘡用有神

逍遙散

見背部
上搭手

歸脾湯

見乳部
乳中結核

補中益氣湯
見潰瘍門


龍膽瀉肝湯 見腰部經

四物湯 見耳部

蘆薈丸 見齒部

牙齦

圖 疽 口 鵠



鵠口疽生於尻尾高骨尖處

腎部

鵠口疽

鵠口疽生尻尾尖經屬督脈濕痰源腫如魚脰潰鵠嘴少壯易愈老難痊

註

此證一名銳疽生於尻尾骨尖處初腫形如魚脰色赤堅痛潰破口若鵠嘴屬督脈經由濕痰流結所致朝寒暮熱夜重日輕潰出稀膿爲不足或流稠膿鮮血爲有餘少壯可愈老弱難斂易於成漏初起宜滋陰除濕湯以和之已成不得內消者用和氣養榮湯以托之氣血虛弱潰而斂遲者滋腎保元湯以補之若失治久而不斂者宜服先天

大造丸兼服琥珀蠟礬丸久久收斂外治法按癰疽腫瘍潰瘍門

滋陰除濕湯

當歸

熟地

川芎

白芍

各一錢酒炒

味皮

柴胡

知母

貝母

去心研

黃芩

各八分

澤瀉

地骨皮

甘草

各五分生

水二鍾薑三片煎八分食前服

方歌

滋陰除濕鶴口疳退熱消痰初起宜四物陳柴知母草澤

瀉黃芩地骨皮

和氣養榮湯

人參

白朮

土炒

白茯苓

丹皮

陳皮

熟地

當歸

黃耆

各一錢

沉香

甘草

炙 各五分

水二鍾煎八分食前服

方歌和氣養榮托銳疽將膿煎服潰更宜四君丹皮陳熟地當

歸沉香共黃耆

滋腎保元湯

人參

白朮

土炒

白茯苓

當歸身

熟地

黃耆

山萸肉

丹皮

杜仲

各一錢

肉桂

附子

製

甘草

各五分

水二鍾薑三片紅棗肉二枚建蓮子七個去心煎八分食

前服

方歌滋腎保元潰後虛欽遲膿清水淋漓十全大補除芎芍

黃附子牡丹皮

先天大造丸

人參

白朮

土炒

當歸身

白茯苓

菟絲子

枸杞

黃精

牛膝 各二兩

補骨脂 炒

骨碎補

去毛數炒

巴戟肉

遠志

各一兩 去心

廣木香

青鹽

各五錢

丁香

三錢 以上共研末

熟地

四兩 酒煮搗膏

仙茅

浸去赤汁蒸 熟去皮搗膏

何首烏

去皮黑豆同 煮去豆搗膏

膠棗肉

各二兩 搗膏

肉苁蓉

去鱗并內膜 酒浸搗膏

紫河車

一具白酒煮爛搗膏以 上六膏共入前藥末內

右為細末搗膏共合一處再加煉過白蜂蜜為丸加梧桐

子大每服七十丸空心溫酒送下

方歌

先天大造補氣血專治癰疽潰後虛膿水清稀難收斂參

朮歸苓地首烏補骨青鹽骨碎補枸杞黃精遠菟絲巴戟

仙茅丁木

河車牛膝


三

仙茅丁木河車牛膝菴蓉俱

琥珀蠟

見腫瘍門

坐馬癱圖



坐馬癱在尻尾諸骨尖骨上些

坐馬癰

坐馬癰屬督脈經尻尾畧上濕熱凝高腫速潰稠膿順漫腫潰遲紫水凶

註

此證生於尻尾骨畧上屬督脈經由濕熱凝結而成高腫潰速膿稠者順若漫腫潰遲出紫水者險虛人患此易於成漏初宜艾壯隔蒜片灸之以宣通結滯令其易潰易斂內服之藥與鶴口疽同潰後內外俱按癰疽潰瘍門

隔蒜灸法

見首卷灸法

臀

癰

圖



下臀癰在少腹之後臀肉厚處左右皆同

腎癰

腎癰證屬膀胱經堅硬悶腫濕熱凝肉厚之處遲潰歛最宜紅活高腫疼

註

此證屬膀胱經濕熱凝結而成生於臀肉厚處腫潰歛俱遲慢初宜隔蒜片艾炙服仙方活命飲消之不應者卽服透膿散膿熟鍼之潰後內外治法俱按癰疽潰瘍門

隔蒜灸法


見首卷治法

仙方活命飲

透膿散

俱見腫瘍門

上馬癰下馬癰圖



上馬癰在左臂之下臂紋中

下馬癰在右臂之下臂紋中

上馬癰 下馬癰

上馬癰與下馬癰上左下右摺紋生膀胱濕熱憂憤起黑陷屬

重高腫輕

註

此證生於臀肉之下摺紋中屬膀胱經濕熱又兼七情不

和憂憤凝滯而成初起如粟黃膿小炮漸生焮痛寒熱往

來高腫紅亮為輕平陷黑硬為重初服荊防敗毒散以退

寒熱次服內托羌活湯膿勢將成服托裏透膿湯其餘內

外治法俱按癰疽潰瘍門

內托羌活湯

羌活

黃蘗各二錢
酒炒

黃耆一錢五分

當歸尾

陳皮

藁本

連翹

蒼朮

甘草

炒

炙

防風 各一錢

肉桂 三分

水一鍾酒半鍾煎八分食前服


方歌內托羌活宣堅硬燥濕能托腎下癰歸黃陳藥同甘草藁

本連翹蒼桂風

荆防敗毒散 見頂部
腦疽

托裏透膿湯 見頭部
侵腦疽

涌泉疽圖



涌泉疽生在尻骨之前肛門之後

涌泉疽

涌泉疽生尻骨前形如伏鼠腫痛堅督脈濕熱潰破險少壯易愈老弱難

註

此證生尻骨之前長強穴屬督脈經首穴由濕熱凝結而成初腫堅硬疼痛狀如伏鼠十日可刺得白膿者順潰遲青膿者險紫黑者逆內治法同鶴口疽外治潰後按癰疽潰瘍門少壯者得此易愈老年氣衰弱者多成冷漏難痊

臟

毒

圖



臟毒生在肛門兩旁

臍毒

臍毒毒注在肛門內外虛實各有因醇酒厚味兼辛苦外屬陽分內屬陰

註

此證有內外陰陽之別發於外者山醇酒厚味勤勞辛苦蘊注於肛門兩旁腫突形如桃李大便秘結小水短赤甚者肛門重墜緊閉下氣不通刺痛如錐鍼數有力多實多熱屬陽易治宜服一煎散通利二便菩提露搽之腫痛仍前不全退者膿將成也宜服托裏透膿湯膿脹痛鍼之膿出之後治同潰瘍門發於內者兼陰虛濕熱下注肛門內結壅腫刺痛如錐大便秘閉小水淋漓寒熱往來遇夜尤

甚脈數微細為虛為濕屬陰難治宜服五灰散膿毒自然潰出膿生遲者服十全大補湯托之潰後按潰瘍門

一煎散

當歸尾

穿山甲

炙研

甘草

生

桃仁泥

皂角刺

各二錢

川黃連

一錢五分

枳殼

麩炒

檳榔

天花粉

烏藥

赤芍

生地

白芷

各一錢

元明粉

大黃

各三錢

紅花

五分

水二鍾浸一宿次早煎一滾空心服俟行三四次以稀粥

補之

方歌

一煎散消臍毒方歸甲甘連桃枳柳天花皂刺紅烏藥芍

地元明芷大黃

菩提露

熊膽

三分

冰片

一分

涼水十茶匙調化開搽於患處甚效

方歌

菩提露消積熱痛臍毒堅疼焮腫增水調熊膽加冰片搽

於患處毒漸輕

五灰散

血管鵝毛

血餘

蜈蚣

穿山甲

生鹿角

各燒存性

各等分研細共合勻每服五錢空心溫黃酒調下

方歌五灰散用鵝管毛血餘蜈甲鹿角燒臟毒腫痛肛門內每

服五錢黃酒調

托裏透膿湯


見頭部
侵腦疳

十全大補湯

見潰瘍門

印
 卷之六
 金鑑
 卷之六
 編
 外科心法要訣

痔氣



痔母子



痔雄雌



痔雞




痔窠蜂



痔花蓮



痔攻血



痔腸擔



痔內



痔桃櫻



痔珊瑚



痔角菱



痔子蓮



痔肝脫



痔腸泊



痔心雞




痔奶牛



痔尾鼠



痔花翻



痔肉蜆



痔珠懸



痔腸盤



痔子果



痔桃枝



痔瘡

痔瘡形名亦多般不外風濕燥熱源肛門內外俱可發潰久成漏最難痊

註

此證係肛門生瘡有生於肛門內者有生於肛門外者初起成癰不破者爲痔易治破潰而出膿血黃水浸淫淋瀝久不止者爲漏難痊斯證名因形起其名雖有二十四種總不外乎醉飽入房筋脈橫解精氣脫泄熱毒乘虛下注或憂思太過蘊積熱毒憤鬱之氣致生風濕燥熱四氣相合而成如結腫脹悶成塊者濕盛也結腫痛如火燎二便閉者大腸小腸熱盛也結腫多癢者風盛也肛門圍遶摺

紋破裂便結者火燥也初俱服止痛如神湯消解之外俱用菩提露或田螺水點之若堅硬者以五倍子散唾津調塗之兼用朴消葱頭煎湯洗之頂大帶小者用藥線勒於痔根每日緊線其痔枯落隨以月白珍珠散撒之收口又有頂小帶大者用枯痔散枯之內痔不出者用喚痔散填入肛門其痔卽出隨以朴硝葱頭煎湯洗之又有因勤苦勞役負重遠行以致氣血交錯而生痔者俱用止痛如神湯加減服之又有血箭痔生肛門或裏或外堵塞隆腫每逢大便秘用力則鮮血急流如箭不論糞前糞後由腸胃風熱而兼暴怒成之初服生熟三黃丸若唇白面色痿黃四

肢無力屬氣血兩虛宜十全大補湯倍川芎參耆服之外
用自已小便洗之童便熱洗亦可其血自止亦有腸風下
血點滴而出糞前者宜防風秦艽湯糞後出血者爲酒毒
宜服苦參地黃丸效後必多服臟連丸二三料除根又有
產後用力太過而生痔者宜補中益氣湯加桃仁紅花蘇
木服之又有久瀉久痢而生痔者宜補中益氣湯加槐花
皂莢子煨末服之如痔已通腸污從漏孔出者用胡連追
毒丸酒服之服後膿水反多者藥力到也勿以爲懼如漏
有管者用黃連閉管丸服之可代鍼刀藥線之力凡痔未
破已破及成漏者俱用却毒湯熨洗或用喇叭花煎湯日

洗二次喇叭花即上地黃苗兼戒房勞河豚海腥辛辣椒
酒等物有久患痔而後咳嗽者取效甚難久病咳嗽而後
生痔者多致不救

止痛如神湯

一秦艽
去苗

桃仁
去皮尖

皂角子
各一錢 燒存性研

一蒼朮
米泔水浸炒

防風
各七分

黃蘗
五分 酒炒

當歸尾
酒洗

澤瀉
各三分

檳榔
一分

熟大黃
一錢二分

右除桃仁皂角子檳榔用水二鍾將羣藥煎至一鍾再入
桃仁皂角子檳榔再煎至八分空心熱服待少時以美饌

和氣聖方卷之十一

壓之不犯胃也忌生冷五辛火酒醃物大料濕麵之類

如腫有膿加白葵花五朵去蕊心青皮五分木香三分則膿從

大便出也如大便秘甚倍大黃加麻仁枳實如腫甚

倍黃蘗澤瀉加防已豬苓條芩如痛甚加羌活郁李仁

如癢甚倍防風加黃耆羌活麻黃蘗木甘草如血下倍

黃蘗多加地榆槐花荆芥穗白芷如小便澀數不通者

加赤茯苓車前子燈心扁蓄

方歌止痛如神諸痔瘡風濕燥熱總能防歸蘗桃柳皂角子蒼

木羌風澤大黃

田螺水

大田螺一枚用尖刀挑起螺唇入冰片末五釐平放磁盤
內待片時螺竅內滲出漿水用雞翎蘸點患處勤勤點之
其腫白然消散

方歌

田螺水點痔瘡效冰片裝入田螺竅少時化水取點瘡止
痛消腫有奇妙

五倍子散

用川文蛤大者一枚敲一小孔用陰乾荔枝草搽碎塞入
文蛤內令滿用紙塞孔濕紙包煨片時許取出去紙研爲
細末每一錢加輕粉三分冰片五釐共研極細末唾津調
塗患處

方歌 五倍子散痔痛墜堅硬腫疼立刻揮輕粉冰片各研細荔

枝草入蛤中煨

藥線

芫花 五錢

壁錢 二錢

用白色細衣線三錢同芫花壁錢用水一盃盛貯小磁罐內慢火煮至湯乾爲度取線陰乾凡遇痔瘡癰瘤頂大蒂小之證用線一根患大者二根雙扣繫紮患處兩頭留線日漸緊之其患自然紫黑冰冷不熱爲度輕者七日重者十五日後必枯落以月白珍珠散收口甚效

方歌 藥線芫花共壁錢再加白扣線同煎諸痔瘡將繫根處生

似蕈形用此捐

枯痔散

天靈蓋

用童子者佳又用青線水將天靈蓋浸片時撈出以火煨紅再入青線水內淬之如此七次淨用四錢

砒霜

一兩

白礬

二兩生

輕粉

四錢

蟾酥

二錢

共為極細末入小新鐵鍋內上用粗磁罍密蓋鹽泥封固炭火煨至二炷香待冷揭開罍將藥研末搽痔上每日辰午申三時用溫水洗淨患處上藥三次上至七八日其痔枯黑堅硬住藥裂縫待其白落

方歌

枯痔天靈蓋煨淬砒礬輕粉共蟾酥入鍋罍蓋泥固煨痔

瘡新久搽皆除

喚痔散

枯白礬 五分

食鹽 三分炒

草烏 生

刺蝟皮 各一錢煨存性

麝香 五分

冰片 二分

共研細末先用溫水洗淨肛門隨用唾津調藥三錢填入

肛門片時即出

方歌喚痔散把內痔呼刺蝟皮鹽麝草烏冰片枯礬同研細津

調填入片時出

生熟三黃湯

生地

熟地 各一錢五分

黃連

黃蘗

黃芩

人參

蒼朮

米泔水浸炒

白朮

土炒

厚朴

薑炙

當歸身

陳皮

各二錢

地榆

防風

澤瀉

甘草

生 各六分

烏梅

二個

水二鍾煎八分食前服

方歌

生熟三黃連 蘗參蒼朮共歸陳
榆風澤瀉烏梅草 前

醫血箭痔如神

防風秦艽湯

防風

秦艽

當歸

行氣 舒金 卷之六

生地

白芍

酒炒

川芎

赤茯苓

連翹

各一錢 去心

梔子

生研

蒼朮

米泔水浸炒

槐角

白芷

地榆

枳殼

麩炒

檳榔

甘草

各六分 生

水二鍾煎至八分食前溫服

如便秘者加大黃

方歌 防風秦艽治腸風墜腫津血最止疼四物梔蒼槐角芷地

榆枳草翹檳苓

苦參地黃丸

苦參

切片酒浸濕蒸曬九次為度炒黃為末淨一筋

生地黃

四兩酒浸一宿蒸熟為爛和入苦參末內

加煉過蜂蜜爲丸如梧桐子大每服三錢白滾水送下或酒下亦可日服二次

方歌苦參地黃糞後紅皆因酒毒熱來攻二味酒蒸蜂蜜煉爲

丸水送最有功

藏連丸

黃連 八兩研淨末

公豬大腸 肥者一段長一尺二寸小洗淨

右二味將黃連末裝入大腸內兩頭以線紮緊放砂鍋內下煮酒二觔半慢火熬之以酒乾爲度將藥腸取出共搗如泥如藥濃再曬一時許復搗爲丸如梧桐子大每服七十丸空心溫酒送下久服除根

歌方臟連丸用川黃連研入豬腸煮酒煎搗爛為丸溫酒服便

血肛門墜腫痊

胡連追毒丸

胡黃連切片薑汁拌炒研末刺蝟皮各一兩炙切片再炒黃研末

麝香二分研細

共和一處研勻輒飯為丸如麻子大每服一錢食前溫酒

送下

歌方胡連追毒丸醫痔成漏通腸服最宜連麝蝟皮飯丸服

盡瘀膿換好肌

黃連閉管丸

胡黃連

淨一兩

穿山甲

香油內炸黃

石決明

煨

槐花

各五錢微炒

共研細末煉蜜為丸如麻子大每服一錢空心清米湯送下早晚服二次至重者不過四十日而愈

如漏四邊有硬肉突起者加殭蠶二十條炒研末入藥內及遍身諸般漏證服此方皆可有效

方歌

黃連閉管丸穿山石決槐花共細研能除漏管米湯送蜜

丸麻子大一般

却毒湯

瓦松

馬齒莧

甘草

各五錢生

本草綱目卷之九

川文蛤

川椒

蒼朮

防風

葱白

枳殼

側柏葉

各三錢

焰消

一兩

水五盞煎三盞先薰後洗日用三次

方歌却毒湯洗痔漏效瓦松甘草蛤川椒齒莧蒼風葱枳殼栢

葉同煎加焰消

菩提露

見藏書


月白珍珠散

十全大補湯

補中益氣湯

俱見濟瘍門

坐板瘡圖



坐板瘡生於臀腿之間

坐板瘡

坐板瘡在臀腿生形如黍豆癢熯疼暑濕熱毒凝肌肉初宜熨洗油擦烘

註

此證一名風疳生於臀腿之間形如黍豆色紅作癢甚則熯痛延及谷道勢如火燎由暑令坐日曬久發或久坐陰濕之地以致暑濕熱毒凝滯肌肉而成初宜芫花川椒黃蘗熬湯熨洗即消或毒盛癢痛仍不止者宜用油缸青布三指寬一條香油調雄黃末一錢攤於布上捲之燃着吹滅焰頭向瘡烘之其癢痛即止甚效

御纂醫宗金鑑卷七十

編輯外科心法要訣目錄

股部

附骨疽

咬骨疽

股陰疽

橫痃疽

陰疽

伏兔疽

股陽疽

環跳疽

肚門癰

箕門癰

腿遊小

青腿牙疳

膝部

膝癰

疔疽

膝眼風

鶴膝風

下石疽

緩疽

委中毒

上水魚

人面瘡

御製醫宗金鑑卷七十

編輯外科心法要訣

附 骨 疽 圖



骨疽大腫外腫如腫大兩腿同

咬 骨 疽 圖



咬骨疽在大腿裏如咬腫兩腿同

股部

附骨疽 咬骨疽

附骨大腓外側生在腿裏側咬骨名體虛寒濕乘虛入寒熱往來不炊紅痛甚徹骨難屈轉寒濕化熱腫胖形蒜灸起即無炮逆潰後最忌敗漿膿

註

此二證生於大腓裏外外側屬足三陽經裏側屬足三陰經附骨疽生於大腓外側咬骨疽生於大腓裏側由體虛之人露臥風冷浴後乘涼寒濕侵襲或房慾之後蓋覆單薄寒邪乘虛入裏遂成斯疾初覺寒熱往來如同感冒風邪隨後筋骨疼痛不熱不紅甚則痛如錐刺筋骨不能屈

伸動轉經久陰極生陽寒鬱爲熱熱甚腐肉爲膿外形腫
胖無頭皮色如常漸透紅亮一點內膿已成凡治此證初
起寒熱往來覺痛時輕者卽服萬靈丹重者服五積散加
牛膝紅花痛處用雷火鍼鍼之發汗散寒通行經絡膿成
開之潰後餘治俱按潰瘍門又有漫腫疼痛發於尻臀部
位者宜服內托羌活湯又有發於腿之裏側近膝者屬足
太陰脾足厥陰肝二經部位宜服內托黃耆湯又有發於
腿外側者屬足少陽膽經部位宜服內托酒煎湯又有發
於腿之正面者屬陽明胃經部位頭目昏眩嘔吐不食胸
膈不利心煩熱悶者宜服茯苓佐經湯又有發於腿之裏

側屬太陰脾經部位骨節焮痛四肢拘急自汗短氣小水
不利手足浮腫者宜服附子六物湯又有發於腿之後面
屬足太陽膀胱經部位腿足攣痺關節重痛憎寒發熱無
汗惡寒或兼惡風頭痛者宜服麻黃佐經湯又有三陰不
足外邪過盛大腿通腫皮色不變疼痛日增不消不潰者
此屬虛寒骨冷急服大防風湯補虛逐寒日久消之不應
者勢欲作膿外用隔蒜片灸之起炮艾爆有聲爲吉灸之
無炮骨中不覺熱者屬逆灸後宜服十全大補湯加牛膝
羌活防已或八珍湯加附子補托之膿成脹痛鍼之出黏
白膿爲順若出白漿水或豆汁者俱爲敗漿終屬險候數

證潰後內外治法亦俱按癰疽潰瘍門以上之證皆由沉
寒痼冷中來外敷內服不可用苦寒損脾泄氣等藥犯之
必至氣血冰凝內肉痠腐日久化爲污水不治之證也接
準繩等書云傷寒汗後餘邪成流注流注之壞證成附骨
疽夫汗後流注易愈惟失治乃爲壞證不能復生似不能
變成附骨疽况附骨疽係調治可愈之證若果數變之後
則壞而又壞矣又豈能復有成功乎是流注壞證變成附
骨之說存而不論可也

雷火神鍼

斷艾 三錢

丁香 五分

麝香 二分

藥與艾揉和用夾紙一張將藥平鋪紙上用力實捲如指粗大收貯臨用以紙七層平放患處將鍼點着一頭對患向紙捺實待不痛方起鍼病甚者再鍼一次七日後火瘡大發其功甚效

方歌雷火神鍼攻寒濕附骨疽痛鍼之宜丁麝二香共斷艾燃

鍼痛處功效奇

內托黃耆湯

黃耆

鹽水拌炒

當歸

木瓜

連翹

去心

柴胡 各一錢

羌活

肉桂

生地

黃蘗 各五分

酒水各一鍾煎一鍾空心熱服

方歌內托黃耆歸木瓜羌柴翹桂地蘘加疽生膝股肝脾位酒
水煎之服最佳

內托酒煎湯

當歸

黃耆 各二錢

柴胡 一錢五分

大力子

連翹

去心

肉桂

各一錢

升麻

黃蘗

甘草

各五分

酒水各一鍾煎一鍾食前服

方歌內托酒煎寒濕凝腿外少陽附骨生歸耆大力柴翹桂升

蘗甘加酒水靈

茯苓佐經湯

白茯苓

蒼朮

米泔水炒

陳皮

白朮

土炒

半夏

各一錢製

厚朴

薑炒

木瓜

柴胡

藿香

澤瀉

葛根

甘草

各五分

生薑三片水二鍾煎八分食前服

方歌

茯苓佐經足陽明腿面燉疼煩熱乘平胃木瓜柴朮半夏

瀉加薑葛引經

附子六物湯

附子

甘草

各一錢

防已

白朮
土炒

白茯苓
各八分

桂枝
五分

生薑三片 水二鍾煎八分食遠服

方歌 附子六物風寒濕流注脾經須服之四肢拘急骨節痛防

已朮甘苓桂枝

麻黃佐經湯

麻黃

薏朮

米泔水浸炒

防風

防己

羌活

白茯苓

葛根

各一錢

桂心

甘草

生

細辛

各五分

生薑三片 紅棗肉二枚 水二鍾煎八分食前服

方歌麻黃佐經足太陽風寒濕注本經傷蒼朮二防羌活桂苓

甘細葛棗生薑

大防風湯

八參二錢

防風

白朮

土炒

黃耆

牛膝

杜仲

當歸

熟地

白芍

酒炒

川芎

羌活

甘草

附子

各一錢
製

生薑三片水二鍾煎八分食前服

方歌大防風療寒邪傷附骨疽腫色如常參朮黃耆牛膝仲四

物羌甘附子薑

萬靈丹

方見腫瘍門

內托羌活湯

方見臂部上馬癰

隔蒜灸法

方見首卷灸法

十全大補湯

八珍湯

俱見潰瘍門

五積散

見內癰部
腎癰

股陰疽圖

股陰疽在股內腎囊之側左右同



股陰疽

股陰疽發大股中陰囊之側堅腫疼七情不和憂憤致潰後纏綿功難成

註

此證一名赤施發生於股內合縫下近陰囊之側因偏在厥陰經故名大股也堅硬漫腫木痛由七情不和憂思鬱凝結而成因在陰經起長潰膿俱屬遲緩潰後尤見纏綿收斂成功者甚少初起與附骨疽治法同腫潰俱按癰疽腫瘍潰瘍門

橫 疔 疽 圖

橫疔疽在左腿夾縫褶紋中形長如蛤



陰疽圖

陰疽左右腿夾縫摺紋小形長如蛤



橫痃疽 陰疽

橫痃疽左陰疽右股內合縫腫硬疼痛牽舉丸長蛤樣三陰七情鬱滯凝

註

此二證俱生股內合縫摺紋間左爲橫痃疽右爲陰疽屬三陰經由七情鬱滯凝結而成漫腫堅硬時疼甚則痛牽舉丸上及少腹形長如蛤一兩月方能潰破其膿深可知破後膿稠可愈敗漿最難斂口久必成漏初治同附骨疽潰按癰疽潰瘻門若膿水淋漓日久有生蟲者形類虻蟲亦係膿深鬱久之所化也屬逆

伏兔疽圖

伏兔疽在大腿正面用力肉高處兩腿間



伏兔疔

伏兔穴處忌生疽腫硬鍼灸不相宜疼痛徹心寒熱作胃火毒
滯潰難醫

註

經云伏兔不宜生瘡蓋伏兔乃胃經穴道在膝蓋之上六
寸正中甲力大如掌一堆高肉處禁用鍼灸始發寒熱交
作疼痛徹心由胃火毒滯而成潰後最難收斂初治同附
骨疽潰按潰瘍門

股 陽 疽 圖



股陽在腿外側腓尖骨之后左右同

環 跳 疽 圖



環跳疽在環跳穴漫腫唇腫但距左右側

股陽疽 環跳疽

股陽疽生股外側內搏於骨不變色環跳疽腫腿難伸俱由風濕寒凝結

註

股陽疽生於股外側腓尖之後其毒內搏骨節膿深至骨故漫腫不變色也環跳疽生腓骨節間之環跳穴所以腰難屈伸漫腫隱痛也此二證皆由風濕寒凝結而成屬足少陽膽經初起宜服黃狗下頰方更刺委中穴出黑血其腿卽能轉動若溫腫大痛者俱宜服內托黃耆湯痛而筋繃者萬靈丹汗之痛止換服神應養真丹徧身走注作痛兩脚面腫者亦服萬靈丹汗之痛止則宜服大防風湯

倍加參朮歸黃等藥宣清之若時時跳痛將潰宜托裏透
膿湯服之潰後膿清稀者宜十全大補湯加牛膝外以豆
豉餅灸之瘡口紫陷者十全大補湯加附子服之外換附
子餅灸之食少者胃弱也諸虛皆稟於脾胃宜香砂六君
子湯減去砂仁加當歸服之俟胃口強盛仍服十全大補
湯潰而反痛者氣血虛也治宜峻補始終外治法俱按癰
疽腫瘍潰瘍門但環跳疽潰破多成踵疾

黃狗下頰方

黃狗下頰

連舌皮毛劈下入罐內鹽泥封固鐵蓋蓋口煖一
炷香覺酒氣清即止務宜存性取出色黑如炭爲度
若帶白色其性已過則無用矣用時研極細末用
下頰宜於暑家已殺者裝用若生取特殺恐反

不詳

豌豆粉

白欬末

三味各等分共和勻每服五錢溫黃酒空心調服外以此藥用香油調敷患處服藥之後出臭汗及熱睡為準

方歌

黃狗下頰連舌皮入罐泥封火煨宜豌豆粉研加白欬酒

調腎腿疽盡醫

內托黃耆湯

大防風湯 俱見附骨疽

萬靈丹 見腫瘍門

神應養真丹 見頭部遊風

托裏透膿湯 見頭部侵腦疽


十全大補湯

香砂六君子湯 俱見潰瘍門

附子餅 見首卷灸法

肚 門 癰 圖

肚門癰在大腿肚左右同



箕門癰圖



箕門癰在大腿裏側左右同

肚門癰 箕門癰

肚門癰在股肚生股內近膝箕門癰二證紅腫焮熱痛膀胱脾經濕熱成

註

此二證俱屬濕熱凝結而成肚門癰生於大腿肚脇足太陽膀胱經箕門癰生於股內近膝屬足太陰脾經初起紅腫焮痛者宜服神授衛生湯若焮腫便秘煩躁飲冷鯁數者熱淫於內也宜內疎黃連湯或雙解貴金丸下之若腫痛寒熱鯁沉而無力胸腹脹滿飲食如常者宜服檀蘇散如腫痛寒熱已止卽換服逍遙散若腫痛色不變寒熱食少體倦者由肝虛濕痰下注也宜補中益氣湯加茯苓牛

夏芍藥服之若患此入房腫硬二便不通者宜六味地黃
丸加牛膝車前俟二便通利仍服補中益氣湯餘治按癰
疽腫瘍潰瘍門

檳蘇散

檳榔

紫蘇

香附

木瓜

陳皮

大腹皮 各一錢

羌活

五分

木香

三分

生薑三片葱白三寸水二鍾煎一鍾空心服

歌方橫蘇腹脹氣不舒股內箕門癰可除香附木爪陳大腹木

香羌活檳榔蘇

神授衛生湯

內疎黃連湯

雙解貴金丸

俱見腫瘍門

逍遙散

見背部上搭手

補中益氣湯

見潰瘍門

六味地黃丸

見面部雀斑

腿 遊 風 圖



腿遊風在兩腿忽
 忽忽忽忽上不定色紅嫩病

腿遊風

腿遊風在遶腿生赤腫如雲熾熱疼榮衛風熱相搏滯宜砭出血雙解清

註

此證兩腿裏外忽生赤腫形如堆雲熾熱疼痛由榮衛風熱相搏結滯而成凡遇此證先施砭石放出惡血隨服雙解通聖散次以當歸拈痛湯清解治之外貼牛肉片以援風毒甚效

當歸拈痛湯

當歸

羌活

茵陳蒿

蒼朮

米泔水浸炒

防風

各一錢

苦參

白朮

土炒

升麻

各七分

葛根

澤瀉

人參

知母

黃芩

豬苓

甘草

各五分

黃蘗

三分

水二鍾煎八分食前服

方歌


當歸拈痛腿遊風羌活人參二朮升茵陳葛草芩知礬

參風瀉共豬苓

雙解通聖散

見唇部
唇風

青腿牙疳圖



青腿牙疳先從二兩腿起形如雲片
 雲裏木丕其毒上攻牙根腐爛如疳

青腿牙疳

青腿牙疳何故生只緣上下不交通陽火炎熾陰寒閉凝結爲毒此病成青腿如雲茄黑色疲頑腫硬履難行牙疳齲腫出臭血穿破腮唇腐黑凶

註

此證自古方書罕載其名僅傳雍正年間北路隨營醫官陶起麟頗得其詳畧云軍中凡病腿腫色青者其上必發牙疳凡病牙疳腐血者其下必發青腿二者相因而至推其原皆因上爲陽火炎熾下爲陰寒閉鬱以至陰陽上下不交各自爲寒爲熱各爲凝結而生此證也相近內地間亦有之邊外雖亦有不甚多惟內地人初居邊外得此證

者竟十居八九蓋中國之人本不耐邊外嚴寒更不免坐臥濕地故寒濕之痰生於下致腿青腫其病形如雲片色似茄黑肉體頑硬所以步履艱難也又緣邊外缺少五穀多食牛羊等肉其熱與濕合蒸於胃毒火上薰致生牙疳牙齦腐腫出血若穿腮破唇腐爛色黑卽爲危候邊外相傳僅有令服馬乳之法麟初到軍營診視青腿牙疳之證亦僅知投以馬乳閱歷既久因悟馬腦之力較馬乳爲效倍速令患者服之是夜卽能發出大汗而諸病減矣蓋腦爲諸陽之首其性溫煖且能流通故耳兼服活絡流氣飲加味二妙湯宜其血氣通其經絡使毒不得凝結外用

砭法令惡血流出以殺毒勢更以牛肉片貼敷以拔出積
毒不數日而愈蓋黑血出則陰氣外泄陽氣卽隨陰氣而
下降兩相交濟上下自安也由是習爲成法其中活者頗
多因不敢自私著之於書以公於世並將所著應驗諸方
備詳於後

服馬乳法

治青腿牙疳用青白馬乳早午晚隨擠隨服甚效如無青白
馬雜色馬亦可

服馬腦法

治青腿牙疳用馬腦子一個用竹刀挑去筋膜放在盥內先

將馬腦攪勻再用滾黃酒冲服或一觔或半觔俱可一次

不能服盡分作二次冲服亦可

活絡流氣飲 一名和中既濟湯

蒼朮

木瓜

羌活

附子 生

山查肉

獨活

懷牛膝

麻黃 各二錢

黃蘗

烏藥

乾薑

檳榔

枳殼 各一錢五分

甘草 八分

黑豆四十九粒生薑三片水四鍾煎一鍾服渣水三鍾煎

八分

如牙疳盛減去乾薑附子加胡黃連二錢龍膽草二錢

如牙疳輕而腿疼重加肉桂二錢

如寒熱已退減去羌活麻黃加威靈仙二錢五加皮二錢

方歌活絡流氣去風強青腿牙疳初服良除濕清胃通經絡加

減臨時莫執方蒼朮木瓜羌附子山查獨膝藥麻黃烏藥

乾薑榔枳草引加黑豆與生薑

加味二妙湯

黃藥

生

蒼朮

米泔水浸

牛膝 各三錢

檳榔

澤瀉

木瓜

烏藥

各一錢

當歸尾

一錢五分

黑三十九粒生薑三片水三鍾煎一鍾渣水二鍾半煎
八分

方歌加味二妙行步難青腿牙疳齲腫宜藥蒼牛膝歸柳蒿木

瓜烏藥豆蔓煎

砭刺出血法

此方用三棱扁鍼形如錐挺者向腿之青黑處勿論穴道量
黑之大小鍼一分深或十鍼二十鍼俱可務令黑血流出外
以牛肉割片貼鍼眼並黑處次日再看如黑處微退仍鍼仍
貼如無牛肉當頂刺破用罐拔法

搽牙牛黃青黛散

牛黃

青黛 各五分

硃砂 二錢

硃砂

人中白 煨

龍骨 各一錢

冰片 三分

共研細末先以甘草湯將口漱淨再上此藥

方歌牛黃青黛散 硃砂冰片 硃砂中白加龍骨 共研為細末牙

疳腫腐此藥搽

一方用黃馬肉湯燙洗

一方用羊肝割片貼黑處

一方用芥菜子搗麴燒酒調敷黑腫處

青腿牙疳不治證

一形氣衰敗飲食不思者不治

一牙齒俱落紫黑流血腐潰穢臭者不治

一腿大腫腐爛或細乾枯者不治

膝

癰

圖



膝癰生在膝蓋紅腫者屬此症亦生在膝不紅者屬

膝部

膝癰 疔疽

膝癰焮腫色紅疼疔疽如癰色不紅宣為順堅硬逆脾腎肝

經邪所乘

註

膝癰生於膝蓋色紅焮腫疼痛屬氣血實疔疽亦生在膝蓋腫大如癰其色不變寒熱往來屬氣血虛宜輒為順堅硬如石者為逆經云肉之小會為谿谿者二肘二膝四腕也凡脾病在谿腎有邪其氣留於兩膝凡筋病皆屬於節筋乃肝之餘故又屬肝是以谿會有病皆從脾腎肝三經邪氣乘之也始終內外治法俱按癰疽疔瘡潰瘍門惟兩

膝俱生屬敗證不可治也

膝 眼 風 圖



膝眼風症在膝眼穴左右兩膝四穴皆同

膝眼風

膝膝風在鬼眼生疼痛如錐肝腫形下虛風濕寒侵襲屈伸不遂溫散靈

此證生於膝眼穴又名鬼眼穴在膝蓋之下左右兩骨空

陷中山下焦素虛外邪易於侵襲先從膝眼隱隱作疼如風勝其痛則走注不定寒勝則痛如針刺濕勝則外見肝腫風不能伸其病在筋伸不能屈其病在骨動移不遂沉寒痛冷之候也惟在臨證宜詳辨之初服萬靈丹溫散之其痛即止次服獨活寄生湯宜補之效遲者兼用火鍼鍼膝眼穴此轉重就輕之法也單膝生者輕雙膝生者重若

左膝方愈復病右膝方愈復病左膝者名過膝風屬險治法同前

獨活寄生湯

獨活

人參

桑寄生

如無真者以川續斷代之

茯苓

川芎

酒洗

防風

桂心

杜仲

薑汁炒去絲

牛膝

秦艽

細辛

各一錢五分

當歸

酒洗

白芍

酒炒

熟地

甘草

各一錢

生薑五片水二鍾煎七分食前服

方歌獨活寄生肝腎虛寒濕注膝腫痛居參苓四物防風桂杜

膝秦凡甘細宜

萬靈丹見腫
瘍門

鶴膝風圖

鶴膝風其膝肿大宜腫皮色如常



鶴膝風

鶴膝風腫生於膝上下枯細三陰虛風寒濕邪乘虛入痛寒鬱風筋緩濕

註

此證一名遊膝風一名鼓椎風病後得者爲疔風單生者輕雙生者最重因循日久膝腫如火上下股脛枯細由足三陰經虛風寒濕邪乘虛而入爲是病也膝內隱痛寒勝也筋急而攣風勝也筋緩無力濕勝也初腫如綿皮色不變亦無熇熱疼痛日增無論單雙俱宜服五積散汗之次服萬靈丹溫散之外敷回陽玉龍膏常服換骨丹或蚺螂丸以驅其邪若日久不消勢欲潰者宜服獨活寄生湯或

大防風湯補而溫之痛甚加乳香瀝使時出白漿浮皮雖腐腫痛仍前不可用蝕藥只宜芙蓉葉菊花葉各五錢研末大麥米飯拌均貼之亦可止疼或用豆腐渣蒸熟捏作餅貼之亦可此證係外證中之敗證也收功甚難

換骨丹

蒼朮

四兩

枸杞

二兩五錢

茄根

二兩洗

當歸

牛膝

敗龜板

防風

秦艽

獨活

草薺

羌活

蘘沙

松節

虎骨

各一兩酥炙

共用酒浸曬乾研為細末酒糊為丸如梧桐子大每服三

錢食前白滾水送下

方歌換骨丹歸膝枸蒼龜板風朮獨薺羌蠶沙松節茄根虎鶴

膝風生服最良

蚺蚺丸

蚺蚺一箇白芷即全蠍生者

桂心

安息香

阿魏以上各用童便酒炒熟威靈仙

白附子

童便酒炒當歸

羌活

桃仁

童便酒炒

牛膝

北漏蘆

地骨皮

白芍各一兩酒炒

乳香

沒藥

各七錢五分
二味用童便酒炒

共研末煉蜜為丸桐子大每服三錢空心溫酒送下

方歌 蚬螬丸治鶴膝風芷桂安息魏威靈白附歸羌桃乳沒膝

漏骨皮芍蜜成

五積散

見內癰
部腎癰

大防風湯

見股部
附骨疽

萬靈丹

回陽玉龍膏

俱見腫
瘍門

獨活寄生湯

見本部
膝眼風

下石疽圖

石疽生於膝間形如雞卵堅硬不紅無論左右上下及兩膝皆屬

下石疽生於膝間形如雞卵堅硬不紅無論左右上下及兩膝皆屬



下石疽

下石疽在膝上生堅硬如石牽筋疼皮色如常難潰斂證由血滯外寒凝

註

此證生于膝間無論膝蓋及左右俱可以生堅硬如石牽筋疼痛腫如雞卵皮色不變並無焮熱難消難潰既潰難斂最屬痼頑由身虛寒邪深襲致令血瘀凝結而成腫潰內外治法俱與中石疽參考但此證腫潰俱涼若涼化爲熱見諸善證者始吉仍見惡證者難痊

行身醫分金卷十一

緩疽圖



緩疽生應兩旁腫硬如餅
首其色紫黑而腫皆同

緩疽

緩疽血滯外寒凝腫硬如餛飩上生紫黯潰遲多炊熱腫久漸腐爛皮疼

註

此證由外寒深襲血瘀凝滯而成生於兩膝上或生於膝兩旁腫硬如餛飩木痛日增其色紫黯積日不潰證之情形與下石疽相似惟多炊熱腫久則腐爛肌肉皮膚初服當歸拈痛湯以宣通濕熱次按中石疽治法內宜溫補外宜灸法虛甚者十全大補湯相兼治之


當歸拈痛湯

見股部腿遊風

十全大補湯

見潰瘍門

委中 毒 圖



委中 毒 生 在 腰 間 木 硬 發 紅 左 右 皆 同

委中毒

委中毒在臑紋生屈伸木硬微腫紅膽熱流入膀胱過速宜活血刺委中

註

此證生委中穴在膝後臑中央約紋動脈陷中卽是約紋者摺紋也又名血郛穴屬膀胱經俗名腿凹經曰臑中由膽經積熱流入膀胱壅遏不行而成木硬腫痛微紅屈伸艱難治宜速用活血散瘀湯逐下惡血爲效緩則筋縮而成廢疾諸書皆云兼刺委中穴出血自消然刺穴必兼有腰痛不能轉移者方可刺之卽出血亦不可過多多則令人身撲面見脫色其餘內外治法俱按癰疽腫瘍潰瘍

門亦有焮痛色赤潰速者由濕熱凝結所致治法亦按腫
瘍潰瘍門

活血散瘀湯

當歸尾

赤芍

桃仁

去皮尖

大黃

各二錢
酒炒

川芎

蘇木

各一錢五分

丹皮

枳殼

炒

枳實

各一錢

檳榔

六分

水二鍾煎八分空心服渣再煎服

歌方

活血散瘀委中毒皆因積熱腫其處歸芍丹皮桃枳榔枳

蔓大黃芍蘇木

上 水 魚 圖

未魚在腿凹指紋兩稍腫如高連長如魚形色紫左右皆月



上水魚

上水魚生委中旁摺紋兩稍疼硬昂長若魚形瘀熱結外施砭
血敷二黃

註

此證生委中摺紋兩稍腫如高埂長若魚形色紫作痛由
血熱遇外寒稽留則血瘀凝結而成外用砭法向腫埂上
砭出惡血兼用二黃散香油調敷甚效

二黃散

郎顗劉散見鼻
部肺風粉刺

人面瘡圖



人面瘡或生於肘或生於膝

人面瘡

膝肘瘡生如人面自古傳來係孽因流氣苦參敷貝母從善改惡自察心

註

此證自古傳來乃奇病也多生兩膝或生兩肘腫類人形眉目口鼻皆具本事方云瘡口能飲食施治諸藥絕無所苦惟敷貝母其瘡皺眉閉口白此日用貝母末和水敷灌數日瘡消結痂而愈又諸書皆以為毒積冤譴須自清心懺悔初宜服流氣飲日久宜用大苦參丸今據所用之藥俱係辛熱疎散之品其證或因風寒濕三氣凝合之所化亦未必盡由冤譴所致也依古施治亦可奏效

大苦參丸

苦參 二兩

蔓荊子

赤茯苓

山藥

白芷

荊芥

防風

白附子

川芎

山梔

生

何首烏

白茯苓

皂角

川烏

炮

黃耆

赤芍

獨活

羌活

各五錢

草烏

炮

一錢五分

右爲細末 麵糊和丸如梧桐子大每服五七十九空心黃酒送下不飲酒者以茶代之

方歌

大苦參丸

人面瘡蔓荅山藥芷荊防白附芍梔何蔴皂川


草烏耆芍獨羌

流氣飲

方見諸部
痰注發

51

51



51

10

10

